

Chrisma dumtaxat adjungunt. *Chrysostomus*, *Cyrillus*, & *Theophilactus* non septem, sed duo Sacramenta agnoscunt. Tria agnovit *S. Gregorius*: Baptismum nempe, Confirmationem, & Eucharistiam. Quid plura? fides Græcæ Ecclesiæ duo Sacramenta agnoscit: Baptismum & Eucharistiam, nec ampliorem numerum se profitetur habere, ut ex *Cyrilli Lukaris Patriarchæ Constantinopol.* fidei confessione, anno 1633 græce edita constat. Verum vana hæc omnia Novatorum argumenta esse, ipsosque magno conatu maximas nugas agere, & profus ineptire, responsio nostra declarabit. Primo quidem si non sufficit, quod res ipsæ enumeratæ in Scripturis tradantur, sed definitum numerum quærimus, nec duo, nec tria, nec quatuor; imo nec Sacramenti dimidium admittere licet. Quare? quia definitum numerum in Scripturis nullibi habemus. Quid si aliquis diceret: nec quatuor sunt Evangelia, nec quatuordecim Paulinæ Epistolæ, nec septem verba a Christo Domino in Cruce prolata, quia harum rerum numerus non legitur definitus? Ne istæ optimæ ilationes? Secundo argumento refellendo nolumus tempus insumere; est enim argumentum mere negativum, ex Patrum silentio deductum, cujus nullam vim esse (quod advertendum erat ab *Osiandro*, qui se emunctæ naris crititum jactat) inde patet, quod *Patres* Sacramenta, ex occasione explicant, non autem ex professo enumerant. „Tamen, metli enim, inquit *Arcudius*, numerum Sacramentorum antequam, tiqui auctores non expresse, expresse sane, si suo ævo Sacramentarii extitissent, res tamen ipsas, ubi se se offert occasio tractant. Falsitatis vero merito arguendi Novatores, dum Romanam Ecclesiam a fide descivisse clamant, motam auctoritate Scholasticorum. Vere facta est illis frons meretricis, nolunt erubescere. Credit igitur Ecclesia propter concordem Theologorum sententiam, an vero ideo concors Theologorum sententia circa septenarium numerum Sacramentorum, quia id concorditer in universam Christi tenet Ecclesia? Quod ex Patribus opponunt, sublesta fidei argumentum est; nam *S. Justinus* loquutus est de Eucharistia, ut Christianos ab Infidelium calumniis vindicaret, qui nostris imponebant, in Sacris Synaxibus occisi